



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. VIII. Testimonia D. Thomæ ab Adversariis objecta exponuntur

---

[urn:nbn:de:hbz:466:1-77355](#)

ita spontaneum nonnunquam à SS. Patribus usurpatum pro eo quod liberum est, & simplicem seu absolutam necessitatem excludit. Idem dicendum est de voluntario; nam quod perfectè liberum, & absolute necessitatis expers est, interdum à SS. Patribus voluntarium simpliciter appellatur, ut patet ex illo Augustini: *Peccatum ad eo voluntarium est malum, ut nullo modo sit peccatum, si non sit voluntarium.*

**235.** Notandum tertius D. Thoma quæst. 22. de veritate art. 5. in voluntate duplum debere distinguiri conceptum, unum naturæ, alium voluntatis formaliter. Conceptus naturæ est illi communis cum omnibus aliis rebus creatis, & in hoc consistit, quod sicut alia res aliquod bonum sibi proprium & conveniens, vel ad aliquam operationem sibi connaturalem ex natura sua determinata sunt; ita voluntas, in quantum est natura quedam, aliquid naturaliter vult; nam voluntas hominis naturaliter tendit ad beatitudinem, & voluntas Dei ad sui dilectionem. Conceptus voluntatis est illi proprius & peculiaris, & consistit in eo quod in ordine ad aliquam indifferenter & indeterminatè se habeat. Unde D. Thomas i. p. qu. 41. art. 2. ait: *Voluntas ex natura secundum hoc differunt in causando, quod natura determinata est ad unum, sed voluntas non est determinata ad unum.* Et paulo post: *Eorum igitur voluntas principium est, qua possunt sic vel aliter esse; et eorum autem quæ non possunt nisi sic esse, principium naturæ est.* Et qu. 2. de potentia ar. 3. *Voluntas (inquit) in quantum voluntas, cum sit libera, ad utrumlibet se habet; potest enim voluntas agere vel non agere; & si respectu aliquis hoc voluntati non convenient, hoc accidet voluntati, non in quantum voluntas est, sed ex inclinatione naturali, &c.* Ex quibus patet liberum arbitrium esse ipsam voluntatem, nimirum quatenus voluntas est, non quatenus natura; subindeque idem esse juxta D. Thomam, fieri ex voluntate, ut voluntas est formaliter, & fieri ex libero arbitrio. His præmissis,

**236.** Ad argumentum respondeo, negando Antecedens. Ad cuius probationem dico, quod quando S. Augustinus ait homines justè puniri, quos Deus prævidet peccatores, quia Deus præscientia sua non cogit facienda que futura sunt, nomine coactionis non intelligit strictam illam & rigorosam violentiam, de qua loquuntur Philosophi & Theologi, sed nomen illud usurpat pro simplici necessitate, & docere intendit, nullam à Dei præscientia voluntatibus nostris inferri necessitatem, quæ à peccato excusat. Similiter in concertationibus cum Pelagianis eadem notio coactionis nomen usurpat, cùm docet gratiam efficacem nostras non cogere voluntates: nam eodem modo illam sumit quo Julianus, cui interroganti respondet: Julianus autem dum Augustinum interrogat, *Ad quem modum liberum voluntas ut bonum semper velle cogatur*, nomine coactionis intelligit simplicem necessitatem, quæ uni parti voluntatem affigat, ut patetur Jansenius lib. 2. de hæresi Pelag. cap. 1. ubi de Pelagianis, præcipue de Juliano loquens, sic ait: *Hanc autem necessitatem subinde coactionem vocat: non enim tam intelligit coactionem propriæ dictam, quæ fit reniente voluntate, quam illam ad unam partem addictionem, quam liberum arbitrium non nisi ad bonum, vel non nisi ad malum velle posse diceretur. Ergo cum Augustinus respondet Juliano: Absit ut di-*

catur à nobis; si enim cogitur, non vult, nomine coactionis simplicem necessitatem intelligit, quam cum gratia efficaci pugnare Julianus putabat, & ipse Augustinus negabat. Dum vero idem S. Doctor liberam voluntatem definit animi motum, cogente nullo, de coactione morali intelligi debet: nam ut ipsem Jansenius lib. 4. de statu naturæ lapſe cap. 21. ad eum locum explicandum annotat, *Quisquis timore compulsus aliquid facit, non facit hoc nullo cogente, & consequenter non voluntate, seu volens, phrasit Augustini, sed necessitate, hoc est nolens, invitus, & coactus facit.*

Ad confirmationem dicendum est, quod quando SS. Patres afferunt voluntatem esse liberam, quia sponte agit, hoc nomen usurpant, prout non solum rigidam coactionem, sed etiam simplicem necessitatem excludit. Similiter cùm docent quod arbitrij libertas nihil est aliud quam voluntas; quod sit ex voluntate, fieri ex libertate; quod ubi est voluntas, ibi est libertas, &c. loquuntur de voluntate secundum quod formaliter voluntas est, & prout distinguuntur à seipso quatenus habet rationem naturæ: quia nunquam contingit voluntatem ut voluntas est, velle, nisi liberè velit, & cum potestate ad opus possum; nam ut ex D. Thoma suprà retulimus, *Voluntas in quantum voluntas, cùm sit libera, indifferenter se habet ad utrumlibet.*

#### S. VIII.

*Testimonia D. Thome ab Adversariis objecta exponuntur.*

**M**ULTA congerunt, & accumulant Jansenius & Vincentius Lenis D. Thomæ testimonia, quæ favere videntur eorum sententias: ea tamen ad tria genera seu capita revocari possunt. Primum est eorum in quibus affirmat naturalem necessitatem non repugnare libertati voluntatis, ut i. p. qu. 82. art. 1. ad 1. ubi ait: *Necessitas naturalis non avertit libertatem voluntatis.* Idem docet qu. 22. de veritate art. 5. ad 1. & ad 3. & qu. 10. de potentia art. 2. ad 5. ex quo ibidem inserit, Deum liberè seipsum diligere, & Patrem liberè producere Spiritum Sanctum.

Secundum est eorum, quibus videtur assertare, hominem esse liberi arbitrij, per solam libertatem à coactione, cuiusmodi est quod ait in 2. dist. 25. qu. 1. art. 4. *Liberum arbitrium dicitur ex eo quod cogit non potest.* Et i. p. qu. 83. art. 2. ad 3. *Homo peccando liberum arbitrium dicitur perdidisse, non quanum ad libertatem naturalem quæ est à coactione, sed quanum ad libertatem quæ est à culpa & miseria.* Ubi videtur supponere libertatem naturalem, seu essentialiem, per solam immunitatem à coactione salvari.

Tertium est eorum, quibus docere videtur, opus esse laude vel virtutero dignum, meritum vel demeritorium, ex eo solum quod voluntarium & spontaneum est, seu liberum à coactione; v. g. hic qu. 6. art. 2. ad 3. ubi ait: *Laus & virtutero consequuntur actum voluntarium, secundum perfectam voluntarij rationem, qualis non inventur in bruis.* Et in 3. dist. 12. qu. 2. art. 1. ad 3. ubi sic habet: *Impotentia coactionis, quæ opponitur voluntario, tollit rationem meriti & demeriti, non impotentia quæ est ex perfectione, in bonitate vel malitia; quia hoc voluntarium non tollit, sed ponit voluntarium confirmatum ad unum.*

Ad

Ad testimonia primæ classis triplex potest ad-  
241. hiber solutio. Prima est, quod quando Sanctus Thomas ait, *quod naturalis necessitas non auffert libertatem*, loquitur de libertate potentie, non verò de libertate actus, ut patet ex ipsius verbis, ait enim: *Necessitas naturalis non repugnat voluntati, non repugnat dignitatibus voluntatis, non auffert libertatem voluntatis*. Unde solum intendit, quod eti voluntas, ut habet rationem naturæ, eliciat aliquos actus necessarios, & ad unum determinatos, ut velle beatitudinem in communi, hoc tamen non obstat quod eadem facultas, ut habet rationem voluntatis formaliter, sub quo conceptu habet rationem liberi arbitrij, & indifferenter se habet ad utrumlibet (ut s. præcedenti ex eodem S. Doctore annotavimus) aliquos actus liberos exerceat, & ad aliqua objecta, quæ cum beatitudine necessariam connexionem non habent, indifferenter & determinate se habeant.

242. Secunda solutio seu explicatio est Caetani loco citato 1. partis, ubi sic habet: *In responsione ad primum nota, quod cum dicitur quod necessitas naturalis non auffert libertatem, potest bene vel male intelligi: malè quidem, si intelligatur quod necessitas naturalis, tam objective, quam elicitive, stat cum libertate illius actus; hoc enim non est intelligibile: bene verò, intelligendo quod naturalis necessitas actus quoad specificationem, seu objective, non auffert libertatem ejusdem, quia stat quod liberè elicatur*. Itaque juxta hanc solutionem Caetani, quando D. Thomas afferit quod necessitas naturalis non auffert libertatem, si loquitur de libertate actus, solum intendit quod necessitas quoad specificationem, quæ in quibusdam actibus reperitur, v. g. in volitione boni aut beatitudinis in communi, non obstat quominus illi actus possint esse liberi quoad exercitium; quia necessitas tantum quoad specificationem, admixtam habet indifferentiam ad agendum vel non agendum hic & nunc, seu quantum ad exercitium actus, aut alterum cum ea stare potest, ut patet in exemplo adducto: D licet enim homo non possit odio habere beatitudinem, potest tamen de ea actu non cogitare, & actu amoris erga illam suspendere, seu actu non exercere.

243. Tertiū responderi potest, quod libertas duplíciter dicitur: uno modo prout importat inclinationem voluntatis, quatenus est natura, in proprium finem; sicut & res quilibet liberè quodammodo (id est sponte) in bonum sibi naturaliter conveniens fertur, v. g. dum aqua sponte & sine ullo prorsus impedimento fluit, dicitur liberè fluere; & hoc modo libertas coactioni tantum violenta, non verò necessitati opponitur, magisque libertas quam libertas E appellatur, prout electionem dicit, & indifferentiam judicij respectu mediiorum importat; nec simpliciter libertas qualiscumque, sed libertas arbitrij nominatur; & hoc modo non solum coactionem violentam, sed etiam necessitatem prorsus excludit, ut perpetuò docet S. Thomas, ac nominatim 1. contra gentes cap. 68. ubi expressis terminis ait: *Dominum quod habet voluntas supra suos actus, per quod in ejus potestate est velle vel non velle, excludit determinacionem virtutis ad unum, & violentiam causa exterioris agentis*. Unde quando qu. 10. de potent. att. 2. ad 5. dicit voluntatem appetere liberè fac-

A licitatem, licet necessariò appetat illam; Deum liberè amare seipsum; Spiritum Sanctum liberè à Patre procedere; hoc intelligi debet de libertate complacentia, seu spontaneitatis & libentia, quæ est libertas impropriè dicta, & secundum quid, non autem de libertate propriè sumpta, quæ arbitrij libertas dicitur, alioquin sibi aperte contradiceret, cum i. p. qu. 19. art. 10. dicat quod liberum arbitrium habemus respectu eorum quæ non necessariò volumus, vel naturali instinctu; adeoque non perire ad liberum arbitrium, quod volumus esse fœlices; & ibidem doceat, Deum non habere liberum arbitrium respectu eorum quæ necessariò vult, putat respectu sua bonitatis, quam amat necessariò; eandemque ob causam ibidem qu. 41. afferat Filium non produci à Patre per liberum arbitrium, quia naturali necessitate procedit: quæ ratio idem concludit de Spiritu Sancto, æquali necessitate producta. Ut ergo hæc loca specie tenus inter se pugnantia concilientur, libertas à libero arbitrio distinguenda est, seu libertas libentia à libertate arbitrij; & dicendum, necessitate naturalis inclinationis non repugnare prime libertati, bene tamen secundæ; & Deum liberè se amare, & Spiritum Sanctum liberè à Patre procedere, primo genere libertatis, que magis libertas quam libertas dicitur; non verò secundo, quod indifferentiam iudicij & electionem voluntatis importat.

Hæc solutio & distinctio fundamentum habet in D. Thoma qu. 24. de verit. art. 1. ad 20. ubi dicit, *Respectu finis habere nos liberam voluntatem, sed non liberum arbitrium, propriè loquendo, cum non cadat sub electione*. Et 2. contra Gentes cap. 48. ait quod animalia irrationalia quodammodo liberi quidem morū seu actionis sunt; non autem liberij judicij: intellectualia verò non solum libere actionis, sed etiam liberi judicij: quod est liberum arbitrium habere. Ubi aperte distinguit liberam voluntatem à libero arbitrio, seu libertatem libentia à libertate arbitrij; & primam admittit in voluntate respectu finis, & in brutis respectu actionum ad quas sponte & naturali propensione feruntur, non verò secundam; quia nec voluntas respectu finis, nec appetitus brutorum respectu actionum eis connaturalium, judicio indifferenti rationis regulantur, sicutque non habent liberam electionem, licet habeant liberam volitionem vel actionem.

Dices: D. Thomas in 2. dist. 25. qu. 1. art. 1. ad 4. ait Beatos habere liberam electionem circa visionem & amorem Dei: Ergo non solum libertatem spontaneitatis, seu libentia, sed etiam libertatem arbitrij in ordine ad actus necessarios, quales sunt clara Dei visio, & amor beatificus, admittit.

Respondeo, quod quando S. Thomas ait Beatos respectu visionis & amoris liberam electionem habere, non loquitur de visione & amore, prout terminantur ad Deum secundum sc (quasi verò Beati lumine gloria instructi videant Deum ex electione) sed de visione & amore, ut terminantur ad divinam essentiam, in quantum est ratio videndi vel amandi has vel illas creaturas, quæ cum Deo non habent necessariam habitudinem: sic enim cadunt sub libera electione Beatorum; cùm sub hac ratione non afferant bonitatem quæ necessariò rapiat voluntatem. Quod autem hæc interpretatio sit legitima, & S. Do-

R

Tom. III.

ctor de hujusmodi actibus sic consideratis loquatur, patet tum ex ipso textu; non enim dixit quod respectu videre & amare Deum sit sempiterna & libera electio, sed quod respectu videre & amare sit libera electio; sumens videre & amare sine determinatione ad Deum, subindeque ut connotant aliud objectum praeter Deum, nempe visibile aliquod & amabile creatum; tum etiam patet ex ipso intento argumentum, quod erat hujusmodi: *Electio est eorum que sunt ad finem: cum ergo Beati fini ultimo conjuncti sint, videtur quod ad eos non pertinet electio, & per consequens nec liberum arbitrium.* Ad quod responderet, aliqua media esse, que ratione sua imperfectio-  
nis, quam essentialiter annexam habent, repugnant ipsi fini jam habito, sicut credere & sperare; & horum non est electio in Beatis: alia vero qua fini jam habito non repugnant, ut videre & amare creature; & respectu horum erit in Beatis sempiterna & libera electio.

**246.** Ad testimonium secundae classis dicendum est, S. Doctorem iis locis, quibus libertatem opponit coactionem, sumere coactionem pro necessitate; speciatim vero quando affirmat liberum arbitrium dici ex eo quod cogi non potest: nam immediatè post addit coactionem esse duplicum, unam compellentem, aliam inducentem sive impellentem; & priorem repugnare essentialiter libero arbitrio; quippe quod ut dixerat art. 2. ejusdem questionis, neque subiecto cogi potest, cum non sit organo affixum (id est, sit potentia immaterialis) neque objecto, quia quantumcumque aliquid ostendatur ei esse bonum, in potestate eius remanet eligere, vel non eligere. Itaque illud non cogi, est non necessitari, sive non determinari ad unum per modum naturæ, sed retinere facultatem ad oppositum. Unde opusculo 3. cap. 10. in fine sic ait: *Est autem hic modus naturalis homini, ut liberè agat, non coactus: quia rationales potestates ad opposita se habent.* Et l. p. qu. 82. art. 1. in corp. *Necessitas coactionis est illa, qua convenit alicui ex agente; sicut cum aliquis cogitur ab aliquo agente, ita ut non possit contrarium agere.* Ex quo manifestè patet, S. Thomam nonnunquam coactionem pro necessitate sumere, & ita duo, non coacte agere, & agere cum potestate ad oppositum, pro eodem usurpare; quia scilicet in homine viatore (de quo S. Doctor loquitur) haec duo agere non coacte, & agere cum potestate ad non agendum, sunt inseparabilia; et quod in statu viæ voluntas à nullo objecto creata vel increata, imò nec à bono ut si & à beatitudine in communi, necessitetur quantum ad exercitium actus, ut docet in hac parte infra qu. 10. art. 2. in corp.

**247.** Ad loca tertiae classis respondeo, quod quando S. Thomas ait, laudem & vituperium confequi actum voluntarium secundum perfectam voluntari rationem, vel loquitur de voluntario perfecto hominis viatoris, quod semper habet admixtam libertatem indifferentiæ, saltem contradictionis, & quantum ad exercitium actus, ut jam diximus: vel solum intendit quod laus & vituperium non nisi perfectam voluntari rationem consequuntur, licet omne perfectum voluntarium non sit liberum, nec per consequens laude aut vituperio dignum: sicut aliud est dicere, quod malitia peccati non consequitur nisi actum creature, & aliud, quod malitia peccati consequitur omnem actum creature. Quando vero idem S. Doctor afferit, quod impotentia

A non ex coactione, sed ex perfectione in bono, seu determinatione ad bonum, non tollit rationem meriti aut demeriti, quia non tollit rationem voluntarij, loquitur de determinatione voluntatis ad bonum, secundum genus tantum; qualiter erat in Christo, qui cum esset ab intrinseco impeccabilis, erat ad recte operandum determinatus; hac enim determinatio non excludit indifferentiam exercitij, respectu hujus vel illius boni in particulari, nec per consequens rationem perfecti voluntarij seu liberi, quæ est radix & fundamentum moralitatis actuum humanae, ut ex eodem Angelico Praeceptore articulo præcedenti declaravimus.

## S. IX.

Solvuntur fundamenta Jansenij ex ratione petita.

**P**RÆTER argumenta ex SS. Patrum testimoniis defumpta, quæ jam expedita sunt, alia ex ratione petita, quæ Jansenius locis super citatis, fuse & latè calamō expendit & urget, breviter & perspicuè hīc diluenda sunt.

Objicit ergo primo: Deus est verè liber, imò & totius libertatis fons & origo, & tamen non habet agendi & non agendi indifferentiam; illa enim profluit in Deo perit, hoc ipso quod semel aliquid immobili voluntate statuit atque voluit, quam retrahere non potest: Ergo stat libertas absque potestate indifferenti ad agendum vel non agendum.

Confirmatur: Deus liberè justus est, quamvis non possit velle peccare & injustè agere, ut ait Augustinus libro de natura & gratia cap. 48. Ergo ad libertatem non requiritur indifferentia seu potestas ad opposita.

Respondeo ad objectionem, negando quod Deus non habeat indifferentiam: licet enim postquam semel aliquid voluit, non possit facta ista suppositione, ratione sua immutabilitatis, illud postea non velle, nihilominus ut illud cum indifferenti & libertate velle censeatur, sufficit quod illud absolutè non velle potuerit. pro priori ad suum decretum, ex vi principij quod se ab aeterno ad illud volendum applicavit, nimis intelleculis ejus & voluntatis, quæ non dicunt necessariam habitudinem ad creature. Unde D. Thomas l. p. qu. 19. art. 3. ad 1. ait: *Ex hoc quod Deus vult ab aeterno quicquid vult, non sequitur quod necesse est eum illud velle nisi ex suppositione.*

Instat Jansenius, & ait, quod si ad hoc ut Deus nunc aliquid liberè velle dicatur, sufficiat quod cum indifferentia & ex propria libertate se ad actum determinaverit, licet postea in illa determinatione, propter naturæ voluntatisque constantiam, immutabilis permaneat, sequitur amorem beatificum liberrimum esse; Angeli enim, & homines qui beati sunt, eadem libertate & indifferentiā ad illum amorem se determinarunt, quā Deus ad volitionem creature: si ergo immutabilitas naturæ in Deo non extinguit illum primigeniam electionis libertatem, multò minus (inquit) immutabilitas gratia & gloria, amoris beatifici libertatem interimet in Beatis.

Sed nego sequelam. Ad probationem nego quod Angeli vel homines, qui Beati sunt, eadem libertate & indifferentiā se determinaverint ad amorem beatificum, quā Deus ad volitionem creature: licet enim amorem beatificum in Angelis & hominibus antecellerit